



Ղազարոս Աղայան

Վիշապին հաղթողը

(Դյուցագնական աշխարհից)

1

Ինչ որ ձեզ ասելու եմ, սիրելի՝ մանուկներ, պատահել է մեզանից, ո՞վ գիտե,
քանի՛-քանի՛ հազար տարի առաջ...

Եվ առհասարակ բոլոր հրաշալիքները, որ ես ձեզ պատմել եմ, պատահել են
շատ վաղվանից, ո՞վ գիտե՝ ո՞ր ժամանակ:

Ելլադայի հրաշալի աշխարհում մի բարձր սարի տակից բխում էր մի
պատվական աղբյուր: Որքա՛ն տարի է անցկացել, բայց այն աղբյուրը դեռ մինչև
այսօր էլ կա և բխում է միևնույն տեղից:

Օրը մթնելու վրա էր, արեգակն անց էր կենում սարերի քամակը և իր վերջին
ճառագայթներով ոսկեզօծում էր մեր ասած լեռնային աղբյուրը, երբ մի
երիտասարդ, Բելլերոֆոն անունով, մոտեցավ նրան: Երիտասարդը մի սանձ
ուներ ձեռքին, մի սանձ՝ անզին գոհարներ հազգրած և ոսկենկար
փորագրություններով զարդարած: Նա աղբյուրի մոտ տեսավ մի ծերունի, նրա
մոտ միջահասակ մի զյուղացի, մի սիրուն զանգուրիկ տղա և մի մատաղահաս
աղջիկ, որ ուզում էր ջուր տանել աղբյուրից: Երիտասարդը կանգ առավ այդտեղ
և խմելու ջուր ուզեց աղջկանից:

– Ի՞նչ հրաշալի ջուր է, – ասաց նա, երբ որ խմեց և ետ դարձրեց փարչը:

Աղջիկը փարչը ողողեց և նորից լցրեց:

- Սիրուն աղջիկ, – ասաց երիտասարդը, – խնդրում եմ, ասա՛ ինձ, այս աղբյուրը չունի՞ մի որևիցե անուն:
 - Ինչպե՞ս չէ, – պատասխանեց ջահել աղջիկը, – սա Պիրենայի աղբյուրն է: Ես իմ տատիկից լսել եմ, որ Պիրենան մի սիրուն կնիկ է եղել: Երբ որ նրա որդուն նետով սպանել է որսորդուհի Արտեմիսիք՝ Պիրենան այնքան է լաց եղել, այնքան ողբացել, արտասվել, որ ինքը տեղն ու տեղը աղբյուր է կտրվել: Սրանից է, որ այսրան անուշ է այս աղբյուրը, սրա կաթիլները որդեսեր մոր սրտի կաթիլներն են:
 - Ես չի կարծիլ երբեք, որ այսպիսի մի պայծառ, ուրախ և խաղացկուն աղբյուր արտասուրից լիներ առած իր ծագումը: Սրա կարկաչյունն այնքան ուրախ է և այնքան գեղեցիկ է փայլում արևի տակ: Ուրեմն, սա ի՞նքն է Պիրենայի աղբյուրը: Սիրո՞ւն աղջիկ, շատ շնորհակալ եմ տված տեղեկությանդ համար: Ես շատ հեռու տեղից եմ գալիս, և հենց սրան էի ման գալիս, սրան էի փնտրում:
- Միջահասակ զյուղացին, որ իր կովը բերել էր ջուր տալու աղբյուրից, աշքերը հառած բոլոր ժամանակ Բելլերոֆոնին էր մտիկ տալիս և նրա ձեռքում եղած հրաշալի սանձին:
- Բարեկա՞ն, երևում է, որ ձեր կողմերում լեռնային աղբյուրները մի շտեսնված հրաշալի բան են, – ասաց նա երիտասարդին, – և դրա համար է, որ ալարդ չի եկել, և այնքան հեռու տեղից եկել ես Պիրենայի աղբյուրը գտնելու: Եվ այդ ի՞նչ է պատահել քեզ, բարեկա՞ն, երևի ձիդ կորցրել ես: Սանձն ինչո՞ւ համար ես բռնել ձեռիդ: Եվ ի՞նչ սիրուն զուրս ունի, ի՞նչ սիրուն զարդարանք: Երկու շարք, բոլորն էլ անգին քարեր: Եթե ձիդ էլ սանձիդ նման է եղել, դրան հարմար, ուրեմն՝ շա՛տ ափսոս, եթե կորել է:
 - Իմ ձին չի կորել, – ասաց երիտասարդը ժպտալով: – Ես դեռ նոր պիտի գտնեմ այն երևելի ձին, որ, իմաստուն մարդկանց ասելով՝ պետք է որ ձեր կողմերումը լինի անպատճառ: Բարեկա՞ն, դու ինքդ լսած չկա՞ս, Պեզաս անունով թևավոր ձին հիմա էլ գալի՞ս է արդյոք Պիրենայի աղբյուրից ջուր խմելու, ինչպես որ սովորություն է ունեցել այն հին ժամանակները, երբ դեռ կենդանի է եղել քո ապուպապի ապուպապը:

Գյուղացին ուրախ-ուրախ խնդիրնաց երիտասարդի այս ասածի վրա:

Իսկ դո՞ւք, իմ սիրելի ընթերցողներ, լսած կա՞ք արդյոք, որ Պեգաս անունով մի ձի է եղել, հրեղեն ձի, ձյունի նման սպիտակ, արծաթափայլ շքեղ թևերով: Նա կենալիս է եղել Հելիկոն սարի գագաթի վրա: Պեգասը եղել է շատ կայտառ և աշխույժ, արագընթաց և թեքևագնաց, նա բարձրանալիս է եղել մինչև ամպերը և այնքան բարձր, ուր արծիվն անզամ չէր կարող հասնիլ: Նրա նման էլի մի ուրիշ ձի չի եղել աշխարհում, նա չի ունեցել իրա հատը: Ոչ ոք նրան չի թամբած, ոչ ոք չի սանձած, չի պայտած, և նա շատ տարիներ ապրել է Հելիկոն սարի գագաթին մեն-մենակ, ազատ և բախտավոր:

Եվ ինչքա՞ն ուրախ էր անցկացնում իր կյանքը թևավոր ձին: Գիշերները քնում էր անուշ քնով, բաց-բացահար, ուրևիցե մի լեռնային հարթ տափարակի վրա, իսկ ցերեկվա մեծ մասն անց էր կացնում այս և այն կողմ թռչելով: Պեգասը ոչ մի բանով նման չէր մեր ձիերին: Մեկ էլ էիր տեսնում՝ անց էր կենում ահա մարդկանց գլխներով, թռած բա՛րձր, բարձր, և արևը պսպղում էր նրա արծաթափայլ թևերի վրա. այնպես էր թվում, թե՛ նա մի մեծ, սպիտակ թռչուն է, մոլորվել է ամպերի մեջ և ճանապարհ է փնտրում դեպի պարզ և կապուտակ երկինքը: Մարդ չէր ուզում աչքերը հեռացնել, երբ մտիկ էր տալիս և տեսնում, թե ինչպես է նա սուզվում բամբակի նման բարդ-բարդ կուտակված ամպերի մեջ: Սուզվում է, անհետանում մի երկու րոպե, մեկ էլ տեսնում ես, որ թռչում է նա ամպերի մյուս կողմով: Հավաքվում, կուտակվում են մրրկալից ամպեր, երկինքը սևանում է. գետնքի վրա շաշում-շառաշում է փոքրիկը, բայց Պեգասն իսկի այնումը չի զցում, նրա հոգը չէ բնավ, պանում, սավառնում է մի տեղից դեպի մյուսը, և հրաշեկ թեժ փայլակը լուսավորում էր նրան ծիրանագոյն լուսով:

Թաքչում էր փայլակը, և Պեգասն անհետանում էր թանձր խավարի մեջ: Մարդկանց մեջ այսպիսի մի հավատ կար, որ իբրև թե՛ ով որ արժանանար մեկ անզամ նայելու այս հրաշալի տեսարանին, այնուհետև նա ամբողջ օրերով կզգար մի առանձին հոգեկան ուրախ տրամադրություն:

Ամառը, լավ եղանակ ունեցող օրերին, Պեգասն իջնում էր ամուր գետնի վրա և, իր արծաթափայլ թևերը ծալելով, շափ ընկնում դես ու դեն, և սար ու ձոր ոտքի տակ տալիս, և այդ անում էր հենց այնպես, իր զվարճության համար: Ամենից

շատ տեսել են նրան Պիրենայի աղբյուրի մոտ, որ նա անհազությամբ խմելիս է եղել նոյն աղբյուրի ջրից կամ քավալելիս փափուկ կանաչկուտի վրա: Պատահել է և այնպես, որ Պեգասը գջլում է եղել մի քանի ծաղիկ սպիտակ կամ կարմիր առվույտից, նրանցից էլ ընտրելով ավելի քաղցրերը: (Նա շատ զգույշ է եղել արածելիս, շատ շմահավան, ամեն խոտ չէր արածիլ):

Մեզանից մի քանի հարյուր տարի առաջ, շատ մարդիկ էին գնում Պիրենայի աղբյուրի մոտ և շատ անգամ, այն հուսով, որ ինչպես լինի՝ գոնե մեկ անգամ նայեն Պեգասի վրա: Իսկ գնացողներն ավելի ջահիլ մարդիկ էին լինում՝ երիտասարդ և պատանի, որոնք ամենից շատ էին հավատում, թե՝ կան թևավոր և հրեղեն ձիաներ: Բայց վերջին ժամանակները Պեգասը շատ հազիվ էր երևում: Աղբյուրից մի կես ժամու չափ հեռու եղած զյուղացիք իրանց օրումը տեսած չէին Պեգասին և ոչ էլ հավատում էին, թե՝ կարող է լինել այնպիսի մի հրաշալի ձի: Այժմ Բելլերոֆոնի հետ խոսող զյուղացին նոյն չհավատացողներից էր. սրա համար էլ շատ խնդաց, երբ ասացին, որ իբր թե՝ Պեգասը գալիս է Պիրենայի աղբյուրից ջուր խմում:

– Այ թեզ քա՞ն… ինչե՞ր են հնարել, – քացականչեց նա, տափակ քիթը վեր ցցելով, և սկսեց քրքջալ: – Պեգա՞ս ձի, և այն էլ՝ թևավո՞ր… Բարեկա՞մ, երևում է, որ խելքդ կորցրել ես, – ասաց նա երիտասարդին: – Թե երն ի՞նչ հարկավոր են ձիուն: Մի՞թե թևավոր ձին ավելի լավ թեռ կկրե: Ճշմարիտ, էլ պայտելու ծախս չէր ունենալ նրա տերը, բայց ի՞նչ օգուտ դրանից: Կերթար գոմը, որ Պեգասին դուրս քաշեր այնտեղից, բայց մեկ էլ տեսար՝ քո Պեգասդ… թը՛ռոռ… այսօր ես կորել, թե էզուց: Դե հիմա հետևիցն ընկիր, տեսնեմ՝ որտե՞ղ պիտի գտնես նրան: Մի օր կհեծնի, որ երթա ջադաց, մեկ էլ տեսար՝ քո Պեգասդ թը՛ռ, թը՛ռ-թը՛ռ… դեպի երկինք, և այնտեղից իր տիրոջը թը՛ռրա՛խկ… դեպի գետին, այն էլ՝ գլխիվայր, կլտիպո՞ւզ, գլխսկոնծի… Չե, չէ, եղբա՛յր, մի՛ հավատար, պեգաս-մեգաս չկա: Աշխարհումս թոշնաձի չի եղել և չի էլ լինիլ երբեք:

– Ես պատճառ ունիմ քոլորովին ուրիշ կերպ մտածելու, – ասաց երիտասարդը առանց վրդովվելու, և իսկույն երեսը դարձրեց դեպի ծերունին, որ կանգնած էր նրանից երկու քայլաչափ հեռու և, իր գավազանի վրա հենված, ուշադրությամբ ականջ էր դնում նրանց ասածներին, նա մինչև անգամ դրա համար գլուխը

փոքր-ինչ թերել էր դեպի նրանց և ձեռքով ականջի մի կողմը ծածկել վահանի պես, որ լսել կարողանա: Վերջին քան տարին ծերունին համարյա թե խլացել էր բոլորովին:

- Դու ի՞նչ կասես, պապի’,— հարցրեց Երիտասարդը,— դու քո ջահել ժամանակդ անպատճառ տեսած կլինես թևավոր ձին, և շատ անգամ:
- Ես, հոգի’ ջան, իիշողությունս կորցրել եմ բոլորովին: Միտս է զալիս միայն, որ ջահել ժամանակս հավատում էի, որ կա թևավոր ձի. այսպես հավատում էին և նոյն ժամանակի բոլոր ջահիները: Իսկ հիմա միտք է՛ չի մնացել գլխումս, ել իս ի՞նչ ժամանակն է թևավոր ձիու մասին մտածելու: Եթե պատահած էլ լինիս Պեզասին, այդ հիմա, ով զիտե, քանի՛ ժամանակվա բան կլինի, վաղո՛ւց, շատ վաղուց կլինիս պատահած: Իսկ հիմա, ուղիղն ասեմ, դժվարանում եմ հավատալ, որ երբեմն տեսած լինիս Պեզասին: Միտս է զալիս երազի նման, որ երեխա ժամանակս ահա այստեղ, աղբյուրի մոտ, մեկ անգամ կարծես թե նկատեցի ձիու հետք: Կարելի է թե՝ Պեզասի հետքը լիներ կամ, ով զիտե, զուցե նրա հետքը չէր, այլ՝ մի ուրիշ ձիու:
- Իսկ դո՞ւ, սիրո՛ւն աղջիկ,— հարցրեց ջահիլ աղջկանը, որ կուժն ուսին կանգնած էր նրանց կշտին և ականջ էր դնում ծերունու ասածներին,— դու անպատճառ տեսած կլինիս, այո՛, դու այդպիսի սուր-սուր աշքեր ունիս:
- Ինձ այնպես է թվում, որ մեկ անգամ տեսած պիտի լինիս նրան,— պատասխանեց ջահիլ աղջիկը՝ ժպտալով և կարմրելով:— Ուղիղ իս գլխի վրայով, բա՛րձր, շատ բա՛րձր, օդի մեջ սավառնում էր մի բան. թե ասեմ Պեզասն էր՝ Պեզասը չէր. թե ասեմ մի ահազին սպիտակ թռչուն էր՝ թռչուն չէր: Բայց մի ուրիշ անգամ էլի եկա այստեղ կուժն ուսիս և հանկարծ ձիու վրնջյուն լսեցի: Միրտս այնպես ուրախացավ, որ չեմ կարող ասել, այնպես մի քաղցր, այնպես մի աշխույժ վրնջյուն էր: Բայց, այսուամենայնիվ, ես վախեցա, չգիտես ինչից, և վազեցի տուն՝ առանց ջրի, դատարկ կժով:
- Ափո՞ս,— ասաց պատանին և երեսը դարձրեց դեպի փոքրիկ տղան, որ նրա մոտ կանգնած էր և նայում էր Բելլերոֆոնի վրա՝ վարդանման բերանը լայն բաց արած: Մանուկները միշտ այսպես են նայում անծանոթ մարդկանց վրա:

- Դու ի՞նչ կասես, սիրո՛ւն մանկիկ, – հարցրեց Բելլերոֆոնը՝ ծիծաղելով և շոյելով երեխայի գանգրիկ մազերը: – Դու շատ անգամ տեսած կլինիս այստեղ թևավոր ձին:
- Շա՛տ անգամ, այո՛, – վստահաբար պատասխանեց մանուկը: – Հեռու չէ, հենց երեկ ես տեսա նրան, առաջ էլ ես միշտ տեսել եմ նրան:
- Ապրի՛ս, ապրի՛ս, – քացականչեց երիտասարդը՝ մոտ քաշելով երեխային: – Հապա՛, եղբա՛յր, մեկ լավ մոտեցիր և պատմի՛ր ինձ, տեսնեմ՝ ինչպե՞ս ես տեսել:
- Ահա՛ թե ինչպես: Մեկ անգամ գալիս եմ այստեղ, աղբյուրը, որ նավակներ ձգեմ ջրի վրա և նախշուն քարեր հավաքեմ: Շատ անգամ աշխատ ջրի մեջն եմ զցում, մտիկ տալիս և տեսնում եմ նրանում, որ երկնքովը թռչում է մեկ սպիտակ թևավոր ձի: Սիրտս միշտ ուզում է, որ նա իջնի երկրի վրա, ինձ վերցնի հետո և տանե լուսնի վրա դնե: Բայց հենց որ վեր եմ կենում կանգնում, որ ուղղակի ձիուն մտիկ տամ, մեկ էլ տեսնում եմ՝ Էլ ձի չկա՛, անհետանում է իսկուն ամպերի մեջ:

Բելլերոֆոնն ավելի երեխային հավատաց, որ թևավոր Պեգասի պատկերը տեսել էր աղբյուրի մեջ անդրադարձած, մեկ էլ՝ մատադահաս աղջկանը, որ լսել էր Պեգասի քաղցր ձայնով վրնջալը, ու մեկ էլ՝ ծերունուն, քայց ոչ գյուղացուն, որ միայն լծկան ու բեռնակիր ձիաների գոյությանն էր հավատում, և ոչ թևավոր:

2

Բելլերոֆոնը մի քանի օր շարունակ թափառեց Պիրենայի աղբյուրի մոտերքում և թևավոր ձիու հետքը պահեց: Նայում էր փոփոխակի՝ երբեմն երկնքին և երբեմն ջրին, միշտ հուսալով, որ մեկնումեկում կտեսնի կա՛մ իրան՝ Պեգասին, և կա՛մ նրա անդրադարձությունը: Թանկագին սանձը միշտ պատրաստ ուներ ձեռին: Մոտակա գյուղացիք շատ անգամ իրանց տավարը ջուր տալու բերելիս ծիծաղում էին երիտասարդի վրա և երբեմն նաև խրատ էին տալիս, ասելով. «Այդ ի՞նչ դատարկաշրջիկ տղա ես դու. զուր ժամանակ ես անցկացնում միայն, ավելի լավ չէ՞ր լինիլ, որ մի որևիցե գործով գրաղվեիր: Ձի՞ ես ուզում առնել՝ ա՛ն, մենք ծախու ձիաներ շատ ունինք»: Երբ որ Բելլերոֆոնը չէր ընդունում նրանց ասածը՝ նրանք առաջարկում էին, որ ծախս իր սանձը:

Գյուղի մանուկները նրան խենք էին համարում, ծաղրում էին, փեշերից ձգձգում էին, ծամածոռություններ էին անում, զանազան փուտ անուններ էին կպցնում: Երեխայրն իրանց ծաղրածությունը մինչև այնտեղ հասցրին, որ նրանցից մեկը, իինդ տարեկան մի լակոտ, ինքն իրան Պեգաս ձևացրեց, սկսեց լոք-լոք անել, ոստոստալ, վազվզել, այս ու այն կողմը շափ ընկնել, տրտինգ տալ, ծառ կենալ՝ կոճերը թափահարելով, իբր թե իր կոճերն էլ Պեգասի թևերն են, իսկ նրանից մեծ մի ուրիշ երեխա, մի փունջ խոտ ձեռին, մոտենում էր նրան և անասնական բացականչություններով մոտ կանչում Պեգասին: Բոլոր այս ծաղրածությունները սարքել էին, որ տնազ անեն Բելերոֆոնին և ջգրացնեն նրան: Բայց նրանց հակառակ՝ այն զանգուրիկ և կայտառ մանուկը, որին առաջին օրը հանդիպեց Բելերոֆոնը, չեր հետևում նրանց օրինակին և շատ սիրում էր Բելերոֆոնին: Նա լուս ու մունջ նստում էր Բելերոֆոնի մոտ, լուս ու մունջ նայում ջրի վրա անընդհատ՝ սրտանց հավատալով, որ իր տեսածն ուղիղ էր: Երեխայի այս հաստատուն հավատը մեծ հույս էր տալիս և խրախուսում Բելերոֆոնին:

Բայց դո՞ւք, սիրելի ընթերցողներս, գուցե կհարցնեք ինձ, թե՝ Բելերոֆոնն ինչո՞ւ համար էր ման զախս Պեգասին, ի՞նչ առիթ ուներ, ո՞վ էր ստիպում նրան: Այս մի երկար պատմություն է, և ես կաշխատեմ պատմել ձեզ՝ մինչև Պեգասի երևալը:

Եթե Բելերոֆոնի բոլոր արկածները պատմեմ նրա մանկությունից սկսած, այդ շատ երկար կլինի և ձեզ ձանձրալի, մեր քաջ երիտասարդի կյանքից ես կպատմեմ ձեզ միայն մի կտոր:

Աշխարհի այն մասում, որ կոչվում է Ասիա, մի զարհուրելի հրեշ էր լույս ընկել, որին ասում էին Քիմեռ կամ Խիմերա. մենք կասենք Օշափ, որ լսած կլինիք շատ անգամ: Բայց այս հրեշը մի ուրիշ տեսակ վիշապ է լինում: Թե որքան վնաս էր հասցնում մարդկանց Օշափը՝ անկարելի էր հաշվել: Նա մի այնպիսի զարհուրելի քան է լինում, որ նրա նման մի ուրիշ քան չենք կարող ցույց տալ աշխարհիս երեսին: Նա լինում է օձի մարմնով, մեծ վիշապօձի նման, ունենում է երեք գլուխ՝ մեկն առյուծի, մեկն այծի և մեկն էլ՝ օձի: Նրա քաց ոեխներից՝ երեքիցն էլ, կրակ էր դուրս թափվում: Այս հրեշը թեպետ թևեր չուներ, քայց վազում էր առյուծի նման, ցատկում էր այծի նման և սողում օձի նման, ուրեմն, նա շարժվում էր միանգամից երեք կենդանու արագությամբ, որ ասել է՝ ավելի

արագ, քան թե թոշունը:

Թե որքան վնաս էր հասցնում այս զզվելի արարածը, ինչպես ասացի, անկարելի է հաշվել: Երեք երախներից կրակ էր դուրս թոշում և բոլոր անտառները խանձինձում, արտերն այրում, ամբողջ գյուղեր՝ իրանց պարտեզներով, այգիներով, ամբարներով, կալ ու մարագով, մի խոսքով՝ բոլոր ունեցած-չունեցածով մոխիր էր դարձնում: Բաց էր անում երեք երախները և սկսում էր լափել ամեն պատահած բան՝ մարդ, կենդանի և թոշուն: Լափելուց հետո շնթռկում, մրափում էր, մինչև ողջ-ողջ կուլ տված ողորմելի կենդանիները կմարսվեին նրա թոնրանման ստամոքսում:

Մեկ անգամ, պատահմամբ, Բելլերոֆոնը գալիս է Ասիա, այնտեղի թագավորին տեսնելու, հենց ա՛յն ժամանակ, երբ որ ամբողջ ժողովուրդը հեծում, տնրում էր Օշափի հասցրած վնասներից: Այդ երկրի թագավորի անունը Նորաք էր, նա կենում էր Հայաստանին սահմանակից մի երկրում, որ ասվում էր Լիկիա: Բելլերոֆոնը մի շատ անվեհեր երիտասարդ էր: Նա իրան անձը նվիրել էր քաջազործության և այնպիսի մեծագործությունների, որոնցով կարող էր օգուտ քերել մարդկությանը, ծառայել մարդկանց բախտավորությանը: Այն ժամանակներում երիտասարդ մարդկանց միակ փառք ու պատիվն այն էր, որ մասնակցեն բոլոր պատերազմներին, կա՛մ կովելով հայրենիքի թշնամու դեմ, կա՛մ շար դւերի, զարհուրելի վիշապների և վերջապես՝ վայրենի գազանների դեմ, այս Էլ՝ այն ժամանակ, երբ ուրիշ ավելի շար բան չէր լինում, որի դեմ կովեին: Նորաք թագավորը երբ որ Բելլերոֆոնին տեսավ՝ իսկույն նշմարեց, որ իր հյուրն անվեհեր երիտասարդ է. սրա համար Էլ ահա առաջարկեց նրան, որ գտնի շար Օշափին և սպանե: Ոչ ոք սիրտ չէր անում ձեռք զարկել այսպիսի մի քաջազործության, որովհետև ամենքն Էլ, նրա միայն անունը լսելով՝ դողում էին. իսկ եթե չսպանեին՝ նա պիտի ամբողջ Լիկիան անշեն անապատ դարձներ: Բելլերոֆոնը թագավորի այս առաջարկության վրա մի բոպե մտածության մեջ ընկալ, բայց հետո վճռական խոսք տվավ թագավորին, որ կերթա, կսպանե Օշափին, իսկ եթե չկարողանա՝ իր ոսկորները նրա մոտ կթողնե:

Լսած լինելով, որ երեքգլխանի Օշափը շատ արագաշարժ և ճարպիկ է, այն մտքին եկավ, որ անկարելի է այնպիսի մի հրեշի դեմ հետևակ կովել, այլ՝ դրա

համար հարկավոր է անպատճառ ձեռք բերել ամենաքաջ և ամենազորեղ ձի: Իսկ այս կողմից աշխարհիս երեսին ի՞նչ ձի կարող է հավասարվել Պեգասին, որ համ ոտքեր ուներ, հա՛մ թւեր, և օդի մեջ ավելի ևս արագ էր թռչում, քան վազում երկրի երեսին: Ինչ ասել կուզի, որ Բելերոֆոնին ամեն կողմից սկսեցին հավատացնել, որ թևավոր ձի չկա ոչ մի տեղ, և ինչ որ պատմում են թևավոր ձիաների մասին, բոլորն էլ դատարկ զառանցանքներ են միայն և անմիտ ցնորդներ:

Բայց, այնուամենայնիվ, Բելերոֆոնը հաստատ համոզված էր, որ Պեգասը հնարովի քան չէ, այլ նա կա և ուշ թե վաղ՝ իր ձեռքը կընկնի, որ նրան կանաճե ինքը և, վրան հեծնելով՝ կերթա Օշափի հետ կովելու:

Այս նպատակով ահա նա Լիկիայից ճանապարհ ընկավ դեպի Ելլադա, ուր և ձեռք բերավ իր ձեռքում եղած թանկագին սանալը: Այդ սանալը աղոթած էր, այսինքն՝ կախարդած, դյութած էր: Ճենց որ կարողանար սանահի ոսկեզօծ երասանը Պեգասի բերանը դնել՝ թևավոր ձին իսկույն կիպատակեր նրան, նա էլ իսկույն կթռչեր, վրան կնատեր և որ կողմ ուզենար, այն կողմը կրշեր: Ինչ ասել կուզի, որ քաջ երիտասարդը հուզված սրտով սպասում ու մնում էր, թե՝ ե՞րբ կգա արդյոք Պեգասը Պիրենայի աղբյուրից ջուր խմելու: Նա շատ էր մտատանջվում, թե՝ միզուցե չորաք թագավորը կարծիք տաներ, թե ինքը փախել է՝ վախենալով Օշափից: Շատ էր վշտանում, երբ որ միտն էր բերում, թե՝ ի՞նչ ահազին վնասներ է հասցնում երկրին այն զազրելի հրեշը, իսկ ինքը, փոխանակ նրա դեմ պատերազմելու, ձեռները ծոցին՝ նստել է սառնորակ աղբյուրի մոտ և նայում է, թե ինչպես է բխում նա սարից, թափվում ավազանի մեջ և նրա հատակը ծածկում պսպղուն ավազի շերտով: Լսում էր, որ իբր թե՝ վերջին տարիներում Պեգասը շատ հազիվ էր երևում աղբյուրի մոտ, և թե նա իր բոլոր կյանքում միայն մեկ անգամ է երևացել մարդու: Նա շատ էր վախենում, թե՝ միզուցե այստեղ սպասելով մինչև ծերության հասնի, երբ այլևս չի կարողանալ տիրել թևավոր ձիուն, եթե գալու էլ լինի, որովհետև ծերությունից իր ձեռքերն արդեն թուլացած կլինին, քաջությունը կորցրած: Ավա՛ղ, ինչքա՛ն տխուր ու դատարկ է անցնում ժամանակը, երբ որ եռանդալից երիտասարդությունը ձգտում է հասնել իր ցանկացած նպատակին, երևակայած փառք ու պատվին: Համբերել և սպասել շա՛տ ժանր է: Մեր կյանքը, առանց այս էլ, այնքա՛ն կարծ է, բայց էլի ինչքա՛ն

դատարկ տարիներ ենք անցկացնում համբերության շնորհիվ:

Բելլերոֆոնի բախտից՝ աղբյուրի մոտ եղած գանգուրիկ երեխան այնպես կպել էր նրան, որ մոտիցը չէր հեռանում համարյա: Ամեն բարիլուսի Բելլերոֆոնին ասում էր ուրախ-ուրախ:

- Ի՞նչ ես կարծում, Բելլերոֆոն՝, շա՞տ կարելի է, որ այսօր մենք Պեզասին տեսնե՞նք:

Եվ այս «շատ կարելին» էր, որ հուսադրում էր Բելլերոֆոնին: Եթե այս հույսը չլիներ՝ նա վաղուց արդեն վերադարձած կլիներ Լիկիա և զնացած կովելու Օշափի հետ առանց թևավոր ձիու օգնության: Ինչ ասել կուզի, որ հրեշը մի շնչով կայրեր և մի քանի վայրկյանի մեջ կլափեր նրան:

3

Մի առավոտ գանգուրիկ տղան սկսեց Պեզասի մասին խոսել սովորականից դուրս անկասկած սրտով:

– Չգիտեմ ինչու, – ասաց նա՝ ուրախությունից թոշկոտելով, – ինձ այնպես է թվում, որ այսօր մենք անպատճառ կտեսնենք Պեզասին:

Ամբողջ օրը մանուկը շիեռացավ Բելլերոֆոնից. նրանք միասին հաց կերան, միասին խմեցին աղբյուրից և կեսօրից հետո նստեցին շվաքումը, ջրի ափին: Բելլերոֆոնը, մի ձեռքն իր փոքրիկ բարեկամի ուսին դրած, իսկ մյուսն իր ծնոտի տակ դիմիար տված, խորասուզված մտքով մտիկ էր տալիս ջրի վրա կռացած պառաված ծառերին և նրանց ճղների վրա կախուված վայրենի խաղողի ճութերին: Իսկ մանուկն անընդհատ նայում էր միայն ջրին, բայց շատ տխուր, որովհետև շատ էր ցավում, որ Բելլերոֆոնի՝ երկար օրերով սպասելն ապարդյուն է անցնում: Մրա վրա շատ տխրեց երեխան, մինչև այն աստիճան, որ հանկարծ լաց եղավ հեկեկալով: Նրա արտասուրներից մի քանի կաթիլ գլորվելով ընկան աղբյուրի մեջ և խառնվեցան Պիրենայի արտասուրների հետ:

Հանկարծ Բելլերոֆոնն զգաց, որ երեխայի թաթիկը, որ իր ձեռքումն էր, դողդողում է: Եվ տղան շնչաց հանկարծ մանկական շնչյունով.

– Բելլերոֆոն՝, Բելլերոֆոն՝, նայի՛ր, մեկ նայիր ջրի վրա…

Բելլերոֆոնը կոացավ շուտով, նայեց հայելու նման պարզ աղբյուրի երեսին, և այնպես թվաց, որ տեսնում է նրանում պատկերացած մի ահագին, սպիտակ թռչնի կերպարանք, թռչում է քա՛րձր, շատ քարձր, և արեգակը շողշողում է նրա արծաթափայլ թևերի վրա:

– Ի՞նչ հրաշալի, ի՞նչ փառավոր թռչուն է, – քացականչեց նա: – Եվ ինչքա՞ն մեծ է: Եվ գիտե՞ս, շատ էլ հեռու չպետք է լինի, սավառնում է ամպերից ցած:

– Ես դողում եմ ամբողջ մարմնով, – ասաց մանուկը: – Վախում եմ դեպի վեր նայել: Ինչքա՞ն հրաշալի է: Բայց ես չեմ վստահում ուղղակի նրա վրա նայել, այլ միայն՝ ջրի միջով: Մի՞թե չես տեսնում, Բելլերոֆոն՝, որ սա թռչուն չէ, այլ՝ թևավոր ձի, նոյն ինքը՝ Պեգասն է սա:

Բելլերոֆոնի սիրտը գնաց: Նայեց դեպի վեր, բայց չկարողացավ լավ նշմարել, թե՛ նա ի՞նչ էր արդյոք, թռչո՞ւն, թե՛ ձի, որովհետև նա անհայտացավ բարդ-բարդ կուտակված սպիտակ ամպերի մեջ: Մի րոպե շանցած՝ թռչողի կերպարանքը կրկին երևաց, նա իշնում էր դեպի գետին՝ ալեծածան թոփշրով: Այս միջոցին Բելլերոֆոնն իսկույն ճանկը ձգեց տղային և նրա հետ թաք կացավ իր խիստ թփերի մեջ, որոնցով պարսպի պես շրջապատված էր աղբյուրը: Նա Պեգասից երկյուղ չուներ, այլ վախենում էր միայն, թե՛ միզուցե իրանց նկատե և սկսե ավելի բարձրանալ դեպի վեր: Այս թռչողը ճշմարիտ որ թևավոր ձին էր: Երկար սպասեցին նրան, և ահա վերջապես նա ուզեց իր ծարավը հագեցնել Պիրենայի աղբյուրից:

Օդեղեն հյուրն սկսեց իշնել ավելի ցածր և ցածր: Թռչելիս ավելի մեծ շրջաններ և պտույտներ էր անում, ինչպես աղավնին է անում թռչելու պատրաստվելիս:

Որքան ցածրանում էր, այնքան փոքրացնում էր իր շրջանները, մինչև վերջապես շփվեց գետնին՝ փափուկ բմբլի պես: Նա իր շորս ոտները դրավ ավագի վրա այնքան մեղմ և անզգալի կերպով, որ ոչ մի խոտ չխշխաց: Հրաշալի թևավոր ձին մեկնեց իր վեհապանձ գլուխը և սկսեց խմել: Նա մեծ զմայլմունքով էր ներս ծծում բերանով պայծառ հեղուկը, ուրախ փոնչում ու զինքը թափահարում, խմում է, խմում, մեկ էլ հանկարծ՝ կանգ առնում: Ո՛չ գետնի վրա, ո՛չ ամպերում և ո՛չ սի

ուրիշ տեղ Պեգասը չէր սիրում այնպես հազեցնել իր ծարավը, ինչպես Պիրենայի աղբյուրից: Կուշտ խմելուց հետո թևավոր ձին հոտավետ առվույտներից մի քանի ծաղիկ գջլեց, բայց միայն գջլեց ու ծամծմեց և ոչ թե արածեց կամ կերավ, նրա արածելիքը Հելիկոն սարի բուն զագարի վրա եղած անուշահոտ խոտերն էին:

Վերջապես, երբ որ աղբյուրի պարզ ջրիցն այնքան խմեց, որ կշտացավ, մի քիչ խաղ արավ առվույտի ծաղիկների հետ, այնուհետև խայտալ սկսեց կշտացած երեխայի նման: Սկսեց վազվզել ետ ու առաջ, տրտինգ տալ, կամացուկ վրնջալ: Մեկ այս կողմն էր չափ ընկնում, մեկ՝ այն, մեկ էլ թռչում էր դեպի վեր, մի քիչ պտտվում և նորից իշնում ու վազվզում փափուկ կանաչկուտի վրա: Բելլերոֆոնը, տղայի ձեռքից բռնած, թփուտի միջից նայում էր այս տեսարանի վրա, որի պես գեղեցիկ բան նա իր կյանքումը տեսած չէր: Պեգասի ողջ կազմվածքը, նրա բարակ-բարակ ոտները, նրա բարեկազմ գլուխը, թափամազ պոչը, ալեծածան բաշը, ձյունի նման սպիտակ, արծաթի պես փայլուն, այս բոլորը հիացրել, զարմացրել էին Բելլերոֆոնին: Իսկ նրա խելոք ու վառվուն աչքերի նմանը ո՞չ մի ձիում տեսած չէր: Նրան հանցանք էր թվում այսպիսի մի հիանալի ձիու վրա թամբ դնելը, և առավել ևս՝ նրա վրա ցատկել նստելը:

Մեկ թե երկու անգամ Պեգասը կարծես թե թալկացավ, թուլացավ, կանգնում էր հանկարծ, ականջները խլշում, հոտ քաշում, գլուխն այս ու այն կողմ ձգում՝ կարծես զգալով, որ իր մոտ դարանամուտ եղած մարդիկ կան: Բայց երբ որ չտեսավ և չլսեց ոչինչ վտանգավոր բան, նորից սկսեց իր առաջվան խաղերը:

Բայց ահա որպես թե հոգնեց վերջապես, թևերը ծալեց և նստեց փափուկ կանաչկուտի վրա: Բերեն օդի զավակ լինելով՝ նա չէր կարողանում քիչ ժամանակ հանգիստ կենալ, շրջվեց քամակի վրա և, ոտքերը վեր ցցած, սկսեց սահել մեջքի վրա: Ինքը թևավոր, մեն-մենակ ամբողջ աշխարհում, անհիշելի ժամանակներից ի վեր ապրած, ո՞չ մի ընկեր չունեցած երբեք, այժմ զվարճանում էր՝ ինչպես բոլոր Էակներից ամենաբախտավորը: Սա մի հետաքրքրական տեսարան չէ՞ր միթե: Բելլերոֆոնն ու մանչուկը չէին կարողանում աչքները Պեգասից հեռացնել: Նրանք մասամբ հաճույքից և մասամբ երկյուղից շունչները պահել էին, ըստ որում՝ աննշան մի շշուկից ու շշունչից կխրտներ Պեգասը և նետի պես կալանար դեպի երկինք: Բավականաշափ թափալգոր գալուց հետո

Վերջապես **Պեղասը** շտկվեց և հասարակ ձիու պես դանդաղ կերպով առաջին ոտները ձգեց, որ վեր կենա: Բելերոֆոնն իսկոյն գլխի ընկավ, որ ձին վեր կենալուն պես պիտի ճանապարհ ընկնի, նա մի ակնթարթում դուրս ընկավ թփուտից և մի ճարպիկ ոստյունով թռավ նստեց ձիու քամակին:

Այո՛, նստեց թևավո՞ր ձիու վրա...

Երևակայել պետք է, թե ինչպե՞ս վեր թռավ **Պեղասը՝** իր կյանքումն առաջին անգամն զգալով իր վրա հողեղեն մարդու ծանրություն: Վեր թռչել եմ ասում, բայց չկարծեք, որ մի հասարակ ոստյուն էր, որ արավ **Պեղասը:** Բելերոֆոնը դեռ խելքը գլուխը չէր հավաքել, որ **Պեղասի** հետ արդեն գետնից բարձրացել էին մինչև հինգ հարյուր ոտնաչափ և պանում էին նետի արագությամբ: Թևավոր ձին նրա տակին փոնչում էր և երկյուղից ու զայրույթից դողում, սարսափում: Թռան-զնացին միշտ բա՛րձր ու բա՛րձր, մինչև հասան ամպալից օդի ցուրտ շերտերը, որոնց վրա մի քանի րոպե առաջ Բելերոֆոնը գետնին պառկած նայում էր և սրանչանում: Այդ բարձրությունից ձին ուղղակի ցած նետեց ինքզինքը, որ մի ժայռի կամ ուրիշ բանի դիպչելով՝ շարդուխուրդ անի իր հեծյալին: Բայց այսպիսի բան չպատահեց. Բելերոֆոնն այնպես չէր կպել նրան, որ բաց թռղներ կամ վայր ընկներ, բայց սրա վրա ի՛նչ բաներ արավ չարացած թևավոր ձին, ի՛նչ ճարպիկություններ բանեցրեց, ցիրկում խաղացող ակրոբատներն այն չեն անում, ինչ որ մեր **Պեղասն** արավ օդի մեջ. ի՛նչ վեր-վեր թռչել, ի՛նչ օրորվել, ի՛նչ աքացիք շպոտոտել դես ու դեն, ի՛նչ տրտինգներ տալ: Գլուխը գցում էր առաջին ոտների արանքը, թևերը վեր ցցում և սկսում մեկ թե երկու գլուխկոնծի տալ կապիկի նման: Ծուռ էր զալիս մեջքի վրա և, ոտները վեր ցցելով, թափահարում ինքզինքը, կամ գլուխը դեպի պոչն արած՝ երկուտակվում էր և սկսում պտտվել շարիսի պես: Վերջապես շատ բաներ արավ, տեսավ, որ հնար չի լինում, չի կարողանում վայր գլորել Բելերոֆոնին, վիզը թեքեց և, կրակու աչքերը վրան ձգելով, դունչը մեկնեց, որ կծե: Նա այնքան թափ տվավ իր թևերը, որ նրանցից մի արծաթագույն փետուր գջլվեց և ընկավ հենց այնտեղ, ուր կանգնած էր զանգուրիկ տղան: Նա իսկոյն վեր առավ պահեց՝ իբրև **Պեղասից** և Բելերոֆոնից մնացած հիշատակ:

Երբ որ Պեգասը, ինչպես ասացինք, ատամները սրած, դունչը մեկնեց, որ մեկ լավ կծե, Բելերոֆոնը նրա այս դրությունից օգուտ քաղեց և կախարդված սանձի երասանակը ձգեց իսկույն թևավոր ձիու բերանը: Ես, ո՞վ հրաշք, Պեգասն իսկույն հանդարտվեց և դարձավ բոլորովին ձեռնասովոր մի ձի: Ուղիղն ասեմ, ես շատ կափսոսայի և կցավեի՝ տեսնելով մարդուն հպատակած այնպիսի մի ազատ քոչնաձին, ինչպիսին Պեգասն էր: Այս հանկարծական փոփոխությունը ազատությունից դեպի ստրկություն անզգալի չէր Պեգասի համար: Նրա՝ դեպի Բելերոֆոնն ուղղած խելոք աչքերի մեջ արտասուրի պես քան երևացին: Բայց երբ որ երիտասարդն սկսեց փաղաքշելով շփել նրա գլուխը և մի քանի քաղցր ու խաղաղացնող խոսքեր ասել, թեև տիրողի եղանակով, այն ժամանակ թևավոր ձին ուրախության վրնջյուն բարձրացրեց: Նա կարծես բավական մնաց իր ներկա վիճակից, որ ինքը, այնքան դարերից հետո, վերջապես մի ընկեր ու հրամայող ունեցավ: Երևի այսպես է որոշված բոլոր թևավոր ձիաների ճակատագիրը և առհասարակ բոլոր վայրենի կենդանիների: Հենց որ մի անգամ նվաճեցիր նրանց և տերը դարձար՝ նրանք այնուհետև կհպատակվեն քեզ և կընտելանան քեզ հետ:

Պեգասն ու Բելերոֆոնը, իրար հետ կովելիս, աննկատելի կերպով շատ հեռու էին թռել, մինչև հասել էին մի բարձր սարի: Բելերոֆոնն առաջ էլ էր տեսել այն սարը, զիտեր, որ նրա անունը Ճելիկոն էր, զիտեր նմանապես, որ Պեգասը սովորաբար նրա զագաթի վրա էր արածում: Բայց ձեռնասովոր դարձած թևավոր ձին այժմ զրկված էր իր ազատ կամքից, նա չէր համարձակվում թռչել դեպի իր ուզած կողմերը և շարունակ ետ էր մտիկ տալիս, կարծես կանգ առնելու հրաման լիներ ուզելիս: Վերջապես նա հանդարտ կերպով թռիչքն ուղղեց դեպի գետինը՝ անհամբեր սպասելով, թե՝ ե՞րբ կիշնի արդյոք իրանից հեծյալը:

Բելերոֆոնը ցած քոավ նրա մեջքիցը, բայց ձեռքից շրողեց նրա սանձը, որ պինդ փաթաթել էր ձախ ձեռքի դաստակին: Պեգասն անընդհատ նայում էր իր նոր տիրոջ վրա: Նրա սիրուն և ազդու աչքերի մեջ երևում էր այնպիսի հեզություն, որ Բելերոֆոնի խելքը տանում էր: Նա սկսեց խղճալ գերի ընկած Պեգասին, որ դարերով ազատ էր ապրել, և վճռեց արձակել նրան ու ազատ թողնել:

Մեծահոգության զգացմունքով սաստիկ ոգևորված՝ նա կախարդական սանձը ձգեց նրա վզովը և բերանից հանեց երասանը:

– Գնա՛, Պեզա՛ս, – ասաց նա: – Դու ինձ հարկավոր չես, եթե ես սիրելի և համելի չեմ քեզ:

Թևավոր ձին մի ակնթարթում անհայտացավ նրա աշքից: Նա Հելիկոնի գագաթից դեպի վեր ալացավ բազեի նման շեշտակի: Արևն արդեն վաղուց էր մայր մտել, ներքևում, երկրի վրա մութն էր, իսկ սարի վրա՝ դեռ վերջալուս: Պեզասը թռավ ամպերից էլ բարձր և կարծես դողում էր այնտեղ արևի վերջին ճառագայթներից անդրադարձած ծիրանեզույն լույսի անաղոտ ալիքների մեջ: Դեպի վերև թռչելով՝ ներքեսից երևում էր նա մի պսպղուն կետի չափ և վերջապես բոլորովին անհետացավ երկնքի անհատակ կապտության մեջ: Բելերոֆոնն ընկավ երկյուղի մեջ. նա շատ վախեցավ, թե՝ չինի՞, հիրավի, թևավոր ձին այլևս չերևա ոչ մի անգամ: Նա արդեն սկսեց զղալ իր արարմունքի վրա. «Այս ի՞նչ խելք էր, որ ես բանեցրի», – ասում էր նա ինքն իրան: Բայց մեկ էլ տեսավ, որ պսպղուն կետը նորից երևաց երկնքի վրա և սկսեց կամաց-կամաց իշնել դեպի ցած և ցած, մինչև վերջապես իջավ իր տիրոջ առջև: Այս փորձից հետո այլևս տեղիք չկար կարծելու, որ թևավոր ձին կփախչի երքեսիցե: Զին և իր տերը մտերմացան իրար և այնուհետև հավատում էին միմյանց առանց կասկածելու:

Այս գիշեր մեր երկու բարեկամները տեղավորվեցին մի ժայռի խոռոչում և քնեցին իրար կողքի: Բելերոֆոնը բոլոր գիշերը ձեռքը շինուացրեց Պեզասի վզից, ոչ թե զգուշության, այլ՝ շատ սիրելուն համար: Վաղ առավոտվա բարիլուսին վեր կացան և միմյանց ողջունեցին՝ ամեն մեկն իր լեզվով:

Բելերոֆոնը մի քանի օր կացավ Հելիկոնի վրա Պեզասի հետ. այս միջոցին նրանք ավելի մոտեցան միմյանց և ավելի մտերմացան: Շատ անգամ միասին օդային ճանապարհորդություն էին անում և երբեմն այնքան էին բարձրանում, որ գետինը նրանց աշքում լուսնի չափ էր երևում: Նրանք գնացին մի քանի երկրներ, ամեն տեղ նրանց տեսնող մարդիկը զարմանում էին և կարծում էին, որ թևավոր ձիով ճանապարհորդող սիրուն երիտասարդը Ոլիմպոսից կլինի իրանց մոտ հյուր եկած: Պեզասի համար մեծ քան չէր օրական մի քանի հազար մղոն տեղ թռչելը: Բելերոֆոնը հափշտակվել էր այս տեսակ կյանք վարելուց, նա բոլոր կյանքն ուրախությամբ անց կկացներ մքնուրտի վերին խավերում, ուր ամեն

Ժամանակ, ինչ տեսակ եղանակ էլ լիներ երկրիս վրա, միշտ պարզ էր և տաք: Բայց նա չէր կարող մոռանալ իր տված խոստումը չոքաթ քագավորին՝ Քիմեո-Օշափին սպանելու մասին: Երբ որ փոքր-ինչ ընտելացավ օդային արշավանքներին և սովորեց Պեզասի հետ վարվել այնպես, որ նա իր տիրոջ ձեռքի տակ աննշան շարժումից և հազիվ լսելի ձայնից հասկանում էր նրա միտքը, այն ժամանակ մտքում վճռեց ձեռնարկել մտադրված վտանգավոր քաջազործությանը:

Եվ ահա մի առավոտ վաղ զարթնելով՝ թեթև կերպով կսմբեց Պեզասի ականջից, որ զարթեցնի նրան: Սրա վրա Պեզասն իսկոյն վեր կացավ տեղիցը և քառորդ մղոնաշափ մի ոստյուն արավ դեպի վեր, մի ակնթարթում պտտեց Հելիկոնի ամբողջ զագաթը, որ ցույց տա տիրոջը, թե ինքը բոլորովին սթափված է, քարմ է և պատրաստ՝ ուր ուզես թռչելու: Այսպես ահա առավել ևս թարմանալով և ուրախ-ուրախ խրխնջալով՝ եկավ իր տիրոջ մոտ, բայց այնքան թեթև, որ կարծես ճնճղուկ լինի՝ ոստից ոստ թռչկոտելիս:

– Շա’տ լավ ես շափ ընկնում, սիրելի՝ Պեզաս, հիանալի են թոփշքներդ, – գոչեց Քելլերոֆոնը և գուրգուրելով շփեց թևավոր ձիու գեղեցիկ պարանոցը: – Ժամանակ է, կարծես, որ թեզ հետ գնանք մեր գործին: Այսօրներ գնանք պատերազմելու Քիմեո-Օշափի հետ:

Նախաճաշելուց և Իպոկրենայի պաղ աղբյուրի ջրից խմելուց հետո Պեզասն ի՞նքը մեկնեց իր գլուխը՝ սանձելու համար: Մինչև Քելլերոֆոնը կզրահավորվեր, թուրք կկապեր կողքին, վահանը կկախեր, առհասարակ կզինավորվեր կովի համար, Պեզասն անհամբերությունից ոտքով դոփում էր գետինը, խայտում, խաղում և ոստոստում: Երբ որ ամեն ինչ պատրաստ էր՝ Քելլերոֆոնը հեծավ ձին, ըստ սովորության՝ շեշտակի դեպի վեր սլացավ մինչև հինգ մղոնաշափ, որ բարձրից մեկ լավ նայե ամեն կողմ, որոշե գնալու տեղը և դեպի նույն կողմն ուղղե իր թոփշը: Նա Պեզասի գլուխը թերեց դեպի արևելք և սլացավ ուղղակի դեպի Լիկիա: Ճանապարհին նրանք հասան մի արծվի հետևից, որ քիչ էր մնում Պեզասի ոտքի տակն ընկներ, եթե շուտով մի կողմ չքաշվեր. Քելլերոֆոնը կարող էր բռնել նրան, բայց չուզեց ժամանակ կորցնել: Նրանք թռչում էին թունդ մրրկի արագությամբ, և հենց նույն առավոտը տեսան Լիկիայի բարձր լեռներն ու

խոր-խոր ձորերը, որոնք հազիվ էին նշմարվում իրանց պատող թանձը մառախուղի միջից: Բելլերոֆոնը լսած էր, որ զարդելի Օշափը այդ խավար ձորերից մեկումն էր բույն դրել:

Երբ որ հասան իրանց մտադրյալ տեղը՝ թևավոր ձին սկսեց իշնել դեպի ներքև, օգուտ քաղելով լեռների վրա եղած մի քանի կտոր ամպերից, որոնք, մեր ճանապարհորդներին ծածկելով, անտեսանելի էին կացուցանում նրանց գետնի երեսից: Մի խիտ ամպի վրա կանգնած՝ Բելլերոֆոնը, քիչ առաջ թեքվելով, կարողացավ պարզ տնտղել Լիկիայի լեռնային մասը և նրա մութ հովիտները: Առաջ առանձին մի քան չնշմարեց. նրա տակ երկարումնեկ ձգված էին չոր պառակներ և փլփլված ապառաժներ, բայց ահա նրանց հետևից սևին էին տալիս նոր այրված տնատեղեր, սպիտակին էին տալիս շատ տեղեր կույտ-կույտ ուկորներ, կարծես այս տեղերում արածող տավարների կմախրները լինեին:

«Այս ամենը Օշափի թողած հետքերը պետք է լինեն, – մտածեց Բելլերոֆոնը: – Բայց այդ զարդելին ինքը որտե՞ղ պետք է լինի թաք կացած արդյոք»:

Նա սկսեց ավելի ուշի ուշով նայել լեռների մեջ սևին տվող ծերպերը, խոռոշներն ու անտառները, բայց ուր որ նայում է՝ ամեն կողմ տեսնում է մեռելություն, չոր անապատ, միայն մի քարայրից դուրս է բխում երեք զոլ սև ծուխ և, կեռումնեռ գալարվելով օձի պես, սողում է դեպի վեր, և դեռ լեռան գագաթին չհասած՝ սև ծուխի այդ երեք զոլերը միանում են և դառնում մի կենտ այուն: Քարայրը գտնվում էր ուղիղ իրանց ոտքի տակին՝ միայն մի հազար ոտնաչափ հեռավորության վրա: Գարշահոտ և թանձը ծծմբային ծուխն արդեն հասնում էր մինչև Պեղասի և Բելլերոֆոնի ոունգները: Պեղասը փոնչում էր զզվանքից և գլուխը այս ու այն կողմ թեքում, այդ օդի զավակին, որ սովոր էր ծծել միայն լեռնազագաթների մաքուր օդը, գարշելի էր թվում երկրային հոտը: Իսկ Բելլերոֆոնը ժնզոնում էր ու փոշտում՝ խեղդվելով այդ ծանր և հեղձուցիչ ծծմբային հոտից: Զայրացած Պեղասը սաստիկ թափ տվավ թևերը և մղոն ու կես ետ թռավ այդ գարշահոտ տեղից:

Բայց Բելլերոֆոնը հանկարծ ետ մտիկ տվավ, և այնպիսի քան ընկավ աչքովը, որ խսկույն սանձը դրդեց և ետ շրջեց ձիու գլուխը: Պեղասն այս նշանից խսկույն իմացավ տիրոջ միտքը և սկսեց կամաց-կամաց ցած իշնել, մինչև մոտեցավ նույն

քարայրին, որտեղից որ դուրս էր գալիս երեք զու ծուխը: Եվ ի՞նչ տեսնի այնտեղ Բելերոֆոնը՝ մի տարօրինակ դեզ իրար վրա կուտակված հրեշների:

Հրեշի՝ իրար վրա բսնած մարմինները միմյանցից այնքան մոտիկ էին ընկած, որ միայն զլխներիցը կարելի էր ճանաչել, թե ի՞նչ կենդանիներ են նրանք: Թվով երեք էին նրանք՝ մի ահեղի վիշապօձ, մի ահարկու զորեղ առյուծ և մի գարշելի այծ: Այծն ու առյուծը քնած էին, իսկ օձը՝ ո՞չ. նա իր կարմիր աչքերը չոել էր Բելերոֆոնի վրա: Բայց զարմանալին այս էր, որ զարշահոտ սև ծուխը ոչ մի րոպե չէր կտրվում, այլ՝ անընդհատ դուրս էր գալիս երեքի էլ ոունգներից: Այս տեսակ մի հրեշի տեսիլն այնքան նոր և անակնկալ էր Բելերոֆոնի համար, որ նա իսկույննեթ զլխի ընկավ, որ նա ի՞նքն էր՝ Քիմեռ-Օշափի, և ա՛յդ էր նրա որջը: Առյուծը, օձը և այծը միևնույն սարսափելի հրեշի լրացուցիչ մասերն էին: Զզվելի՝ Օշափ...

Կիսամրափ Օշափը (որովհետև նրա միայն երկու զլուխներն էին մրափած) իր ճանկերից բաց չէր թողնում նոր որսած զոհի արյունոտ մնացորդները, բայց ի՞նչ բանի մնացորդներ էին, լավ չէր նշմարվում, գառա՞ն մնացորդ էին արդյոք, թե՞... ուզում էի ասել՝ մի փոքրիկ երեխայի... բայց, ո՞վ զիտե, զուցե հենց այդպես էլ լիներ, թեև այսպես մտածելը սարսափ է բերում մեզ վրա: Երևում էր՝ նոր էր վերջացրել իր ընթրիքը:

Բելերոֆոնը վերջապես ուշքի եկավ և զլխի ընկավ, թե ի՞նչ բան էր տեսածը: Պեգասն ավելի շուտ իմացավ բանի էությունը, և միայն այնպիսի ահեղազոչ վրնջյուն բարձրացրեց, որ սար ու ձոր դրբմբդրմբաց: Սրա վրա՝ մրափած զլուխներն էլ զարթնեցին և երեքն էլ միասին կրակի ահեղ ալիքներ վիժեցին: Բելերոֆոնը դեռ իր պատրաստությունը չէր տեսել կովի համար, որ հրեշը դուրս պրծավ իր որչից և, իր թանթուների ահագին ճիրաններն արձակելով՝ վրա վազեց ուղղակի խիզախ երիտասարդի վրա, ավագ ու հող բարձրացնելով: Եթե Պեգասը թերևաշարժ չիներ թռչնի պես՝ հրեշն իր այդ հանկարծական հարձակմունքով կուլ կտար երկուսին էլ, և դրանով կվերջանար կոհիվը: Բայց անկարելի էր թևավոր ճիռն անզգույշ և անպատրաստ գտնել:

Մի ակնթարթում Պեգասն ու իր հեծյալը սավառնում էին արդեն բարձր երկնքում: Բարկությունից խոմփում էր Պեգասը և բոլոր մարմնով դողում էր, իհարկե՝ ոչ

Երկյուղից, այլ՝ եռագլուխ գարշելի սողունից զզվելով:

Օշափի կատաղությանն է՛ չափ չկար: Նա ձգվել էր իր բոլոր երկայնությամբ և, կորնելով իր օձային պոչի վրա, ճիրանավոր թանքուլները օդի մեջ այս ու այն կողմ էր հածում և, ետ ձգելով իր երեք գլուխները, կրակի հեղեղ էր վիժում դեպի վեր, որ այրե Պեգասին և նրա հեծյալին: Ինչպե՞ս մոնչում էր, ինչպե՞ս վսում ու մկկում: Մինչ այս, մինչ այն, Բելլերոֆոնը ձախ ձեռքն առավ վահանը և աջով թուրը հանեց պատյանից:

– Հապա՛, քե՛զ տեսնեմ, Պեգա՞ս ջան, – շնչաց նա թևավոր ձիու ականջին, – ինձ չամաշեցնես. օգնի՛ր ինձ, որ չքացնենք այս երկրային հրեշը, եթե ոչ՝ դու կքոչես դեպի Հելլիկոն առանց ետ նայելու և առանց քո մտերիմ քարեկամիու: Կա՛մ կկործանվի Օշափը, կա՛մ նրա բոլոր երեք ռեխսները կլափեն ինձ մի քանի բոպեի մեջ:

Պեգասը սիրով վրնչաց և, գլուխը թեքելով, իր վարդագույն ունգները տիրոջ թշերին քսեց: Սրանով ուզեց ասել նա, որ թեպետ ինքը թևեր ունի և մինչև այսօր անմահ է եղել, բայց, այսուամենայնիվ, ավելի հոժար կլինի ի՞նքը մեռնել, քան թե թույլ կտա, որ Բելլերոֆոնն ընկնի հրեշի ճանկը:

– Շնորհակալ եմ քեգանից, հոգյա՞կս, – ասաց Բելլերոֆոնը՝ պարզ իմանալով իր քարեկամի համր խոսակցությունը: – Հիմա ե՛կ հարձակվինք Օշափի վրա. դու վրա՛ թոիր, ինչպես գիտես...

Այս խոսքերով նա շարժեց սանձը. Պեգասը նետի պես սլացավ ուղղակի դեպի եռագլուխ Քիմեռը, որ բոլոր ժամանակ գալարվելով՝ ձգվում էր դեպի նրանց: Բելլերոֆոնը հասնելն ու թրով զարկելը մեկ արավ. նա միայն մեկ անգամ զարկեց ինչքան որ կոնումն ուժ ուներ, բայց Պեգասը նրան այնպես շուտ քոցրեց դեպի երկինք, որ Ե՛լ հնար չունեցավ նայելու, թե՛ հարվածը հաջո՞ղ էր արդյոք, թե՞ ոչ: Պեգասի օդային արշավանքը երկար շտւեց, նա կրկնեց իր հարձակմունքը: Այս անգամ միայն համոզվեց Բելլերոֆոնը, որ առաջին զարկով քոցրել էր հրեշի այծային գլուխը, որ արդեն մի բարակ մորթով կախված՝ ճոճվում էր հրեշի վրա:

Բայց հենց սրա համար էլ ողջ մնացած երկու գլուխները՝ օձինն ու առյուծինը, կրկնապատկեցին իրանց կատաղությունը և ճիգ էին թափում, որ իրանց երրորդ գլխի վրեժն առնեն: Նրանց ահեղագոշ մոնշյունից և վսոցից մարդու ականջ էր խլանում:

– Չվախենա՞ս, Պեզա՞ս, – աղաղակեց Բելերոֆոնը, – Էլի մեկ հարված, և մենք կկտրենք երկրորդ գլուխը: Հառա՞ջ, բարեկա՞մ, սիրտդ պի՞նդ պահիր…

Նա կրկին շարժեց սանձը: Թևավոր ձին նորից սլացավ նետի պես դեպի վայր, և Բելերոֆոնն իր բոլոր ուժով նորից հասցրեց թուրը ողջ մնացած գլուխներին: Բայց այս անգամ թե՛ նրան և թե՛ Պեզասին ձրի չնստեց այդ: Օշափն իր թանքուների ճանկերով մի քիչ չանգոնեց Պեզասի ձախ թևը և բավական խոր վիրավորեց Բելերոֆոնի ուսը: Բայց Բելերոֆոնն էլ փոքր հարված չէր տվել: Այս անգամ նա կտրել էր հրեշի առյուծային գլուխը, որ արդեն կախ էր ընկել վրան և, ոեխը բաց ու խուփ անելով, թանձը ծուխ էր դուրս վիժում: Միայն սոսկալի դարձավ այժմ Օշափի ողջ մնացած միակ օձային գլուխը: Նա հիմա հրահեղեղ էր դուրս վիժում և մինչև հինգ հարյուր գրկաշափ հեռավորության հասցնում: Եվ սկսեց այնքան ահեղ ոռնալ, վնաստալ, սուլել, որ Հոքաթ թագավորը լսեց այդ գոշյունը հինգ հարյուր մղոնաշափ հեռավորությունից և երկյուղից սկսեց այնպես դողդողալ, որ զահն իր տակին սկսեց երերալ ու տատանվել:

– Վայն եկել է մեզ տարել, – ասաց նա. – այս Օշափի ձայնն է. նա երևի գալիս է մեզ լափելու:

Այդ միջոցին Պեզասը, մի կողմ թռչելով, սկսեց բարկությունից վրնջալ, իսկ նրա աչքերից կայծեր էին ցայտում:

– Պեզա՞ս, վիրավորվա՞ծ ես, – բացականչեց Բելերոֆոնը՝ նկատելով, որ իր սիրական ձիու արծաթափայլ թևից արյուն է հոսում: – Նզովյալ Օշափը իր այս չարագործության համար իր վերջին գլուխը պետք է տա ինձ. ինչպե՞ս, նա համարձակվի՛ վիրավորել անմահ և հրեղեն ձիո՛ւն…

Պեզասն էլ այդ էր ուզում, նա մի ակնթարթում շրջեց գլուխը և կայծակի արագությամբ սլացավ դեպի ցած: Քիմեռը, կատաղությունից կաս կարմիր կտրած, մեկ՝ գալարվում, կծկվում էր քարայրի արյունաթաթախ ավագի վրա, մեկ՝ ձգվում, ցցվում էր սյունի պես և կրծտում բաց ռեխը: Իսկ այդ գարշելու ռեխն էլ այնքան մեծ էր, որ Պեզասն իր տիրոջ հետ միասին, առանց իր երկար թևերը ծալելու, կարող էր ներս թռչել նրա միջով և անցնել կոկորդովը դեպի նրա անհագ, անհատակ որկորը:

Երբ որ նկատեց հրեշը, որ իր թշնամին հարձակվելու վրա է, սկսեց բառաչել և գետաշափ հրահեղեղ վիժել, որով խանձինձեց Պեզասի քնքուշ թևերը և Բելլերոֆոնի բոլոր ձախ կողմի ոսկեմազ գանգուրները: Բայց սրանով դեռ չանցավ վտանգը:

Առաջ թույլ տվավ, որ թևավոր ձին իր հեծյալով մի քիչ իրան մոտենա, ու հետո մի հանկարծական ոստյունով ընկավ Պեզասի գավակը և իր բոլոր անճոռնի կազմվածքով կպավ նրանից ու սկսեց իր ճապուկ ու ջղային պոչը չվանի պես բոլորիշուրջ փաթաթել Պեզասին: Այս գարշելի բեռով բարձված՝ ձին և ձիավորը թռան դեպի վեր և վեր. նրանց ներքեսում պսպղում էին արդեն լեռներն ու ամպերը, բայց նրանք էլի շարունակում էին իրանց թոհշը: Օշափը նրանցից չէր գշլվում և ավելի խոր էր ցցում իր գարշելի ճիրանները խեղճ Պեզասի մեջքին: Այս միջոցին Բելլերոֆոնը շրջվեց և, իր կուրծքն ու երեսի կեսը վահանով պատսպարելով, աշքն անակնթարթ ձգեց հրեշի աշքը: Մարդկային աշքի հայացը կարող չէր տանել Օշափը. նա խփեց աշքերը և առաջի թանթուները մեկնեց, որ վահանի վրայից քոնե Բելլերոֆոնի գլուխը, բայց բաց արավ իր կուրծքը, և Բելլերոֆոնը ներս ցցեց իր սուրը նրա կրծքի մեջ մինչև կոթը: Հենց որ այս մահացու վերքն ստացավ Օշափը՝ նրա պոչն արձակվեցավ, և գարշելի հրեշը, իր բոլոր թեփամորթ շանդակով վայր կործանվելով, ընկավ մի բարձր ժայռի վրա. նրա փորոտիքից մի նոր կրակ բորբոքվեց, և Քիմեռի բոլոր մարմինն սկսեց այրվիլ: Երկրի վրայից արևի մայր մտնելուց հետո շատ մարդիկ նայեցան և տեսան, որ երկնքից գալարվելով ներքև է թռչում մի գունդուկծիկ եղած ահոելի հրեղեն բան՝ երկար պոշով, շատ վախեցան և կարծեցին, թե՝ միզուցե մի օդերևույթ կլինի կամ պոչավոր աստղ, բայց մյուս օրը վաղ առավոտյան մի քանի երկրագործ գնացին աշխատելու իրանց ազարակում և այնտեղ սարսափելով տեսան, որ իրանց

բոլոր արտերը սև մոխիրով են ծածկվել, իսկ արտերի մեջտեղը ուկորների մի կոյտ կա, մեծությամբ մի ահազին դեզի չափ: Այդ օրվանից մինչ օրս ոչ մի մարդ այլս տեսած չէ Օշափին:

Այս փայլուն և փառավոր հաղթանակը տանելուց հետո Բելերոֆոնը քնքուշ սիրով համբուրեց Պեգասի գլուխը: Ուրախությունից նրա աչքերը ջրակալեցին:

– Ետ զնանք, սիրելի՛ իմ, – ասաց, – զնանք Պիրենայի աղբյուրը: Ծնորհակալ եմ կատարած քաջազործությանդ համար:

Պեգասը, օդի մեջ ծածանելով, սկսեց թևավարել, և մի քանի րոպե հազիվ անցած՝ նա արդեն մեզ ծանոթ Պիրենայի աղբյուրի ափին էր: Այնտեղ ամեն ինչ մնացել էր անփոփոխ, հիշողությունը կորցրած ծերունին եկավ վայրի պտուղներով, տավարած գյուղացին կովերը բերավ ջուր տալու, շահիլ աղջիկը կուժն ուսին եկավ ջրի:

– Հիմա միտս է գալիս, – ասաց ծերունին՝ նայելով Պեգասի վրա, – որ այս թևավոր ձին ես տեսել եմ մեկ անգամ երեխա ժամանակս: Բայց այն ժամանակները սա տասը հազար անգամ ավելի գեղեցիկ էր, քան թե հիմա:

– Սրա նման երեք հատը ուրախությամբ կփոխեի մի հատ քեռնակիր ձիու հետ, – ասաց կովարածը: – Այդ թևավոր ձին եթե իմս լիներ՝ ես նախ և առաջ արմատից կխուզեի սրա թևերը:

Իսկ շահիլ աղջիկը ոչինչ չասաց. նա միշտ վախենում էր անտեղի, հիմա էլ նույնպես: Նա Պեգասին տեսավ թե չէ՝ ետ փախավ դեպի տուն: Վազելիս էլ ոտքը սահեց, կուժը վայր ձգեց կոտրեց:

– Հապա ո՞ւր է մեր գանգուրիկ տղան, – հարցրեց Բելերոֆոնը՝ ձին մոտ քշելով դեպի գյուղացիները: – Նա իմ մշտական ընկերս էր այստեղ, նա հաստատ հավատացած էր, որ Պեգասը կզա, և միշտ նայում էր ջրին՝ սպասելով նրա գալուն:

– Ես այստեղ եմ, սիրելի՛ Բելերոֆոն, – կամացուկ կանչեց տղան:

Այս աշխույժ և կայտառ երեխան օրերով սպասել էր Պիրենայի աղբյուրի մոտ՝ հուսալով, թե՝ ահա ուր որ է կգա իր քարեկամը, քայց հենց որ տեսավ Բելերոֆոնին՝ Պեգասի վրա նստած ամպերից վայր է իշնում դեպի աղբյուրը, թաք կացավ թուփերի մեջ, որ ալսորն ու տավարածը չտեսնեն իրա ուրախության արտասուրը:

– Դու տարար հաղթությունը, – քացականչեց նա՝ վազելով Բելերոֆոնի մոտ, որ դեռ նստած էր Պեգասի վրա: – Ես հավատացած էի, որ դու կհաղթես անպատճառ:

– Այո՛, մանկիկս, ես հաղթեցի՛ Քիմեռ-Օշափին, – պատասխանեց Բելերոֆոնը: – Բայց եթե քո հավատալո՞ւ չիներ՝ ես երբեք չեի սպասիլ Պեգասին, երբեք չեի թռչիլ ամպերում և երբեք չեի մեոցնիլ Օշափին: Այս բոլորի համար ես միայն թե՛զ եմ պարտական: Բա՛ց թռղնենք այժմ Պեգասին և ազատություն տանք նրան, թռղ երթա իր համար, ինչպես եղել է միշտ:

Այս ասելով՝ Բելերոֆոնը աղոթած սանձը վեր առավ Պեգասի գլխից:

– Գնա՛, իմ Պեգաս, դու այժմ ազատ ես միշտ և հավիտյան, – ասաց նա տխուր ձայնով:

Արծաթափայլ թևերով ձին գլուխը դրեց իր տիրոջ ուսին և շշարժվեց տեղիցը:

– Դու չե՞ս ուզում ինձանից հեռանալ, – հարցրեց Բելերոֆոնը՝ շփելով նրա վիզը, ուրեմն, կա՛զ, որքան ժամանակ որ կամենաս: Հիմա գնանք, ուրեմն, չորաք քագավորի մոտ՝ նրան աշքալույս, որ Քիմեռ-Օշափն այլևս գոյություն չունի:

Բելերոֆոնը համրուրեց զանգուրիկ տղային, նրան մնաս քարով ասաց, խոսք տվավ, որ Էլի շուտ ետ կդառնա, և գնաց:

Անցան շատ ու շատ տարիներ, զանգուրիկ տղան մեծացավ և սկսեց թռչել ամպերից վերև, ավելի ու ավելի քարձոր, քան թե Բելերոֆոնը, և հաղթությունների համար ավելի մեծ փառքի հասավ, քան թե Օշափի հաղթողը:

Այս փոքրիկ տղան դառավ մե՛ծ քանաստեղծ...